

圖經衍義本草卷之三十一

四六

圖經衍義本草卷之三十一

宋通直郎辨驗藥材寇宗奭編集

宋太醫助教辨驗藥材許洪校正

蟲魚部上品

石蜜



**石蜜**

味甘平微温無毒主心腹邪氣諸驚癩  
瘥安五藏諸不足益氣補中止痛解毒除衆  
病和百藥養脾氣除心煩食飲不下止腸澼  
肌中疼痛口瘡明目久服強志輕身不飢  
不老延年神仙一名石胎生武都山谷河源

曰六

山谷及諸山石中色白如膏者良

圖經曰蜜本經作石蜜蘇恭云當去石字  
生武都山谷河源山谷及諸山中今蜀江  
南嶺南皆有之蠟白蠟生武都山谷出於  
蜜房木石間今處處有之而宣歙唐鄧伊

洛間尤多石蜜即崖蜜也其蜂黑色似蚕  
作房於巖崖高峻處或石窟中人不可到  
但以長竿刺令蜜出以物承之多者至三  
四石味醜色綠入藥勝於他蜜  
藥性論云白蜜君治卒心痛久赤白痢水

作蜜漿頓服一椀止又生薑汁蜜各一合  
水和頓服之又常服面如花紅神仙方中  
甚貴治口瘡浸大青葉含之

陶隱居云石蜜即崖蜜也高山巖石間作  
之色青赤朱小醜食之心煩其蜂黑色似

蜜又木蜜呼爲食蜜懸樹枝作之色青白  
樹空及人家養作之者亦白而豐厚味美  
凡蜂作蜜皆須人小便以釀諸花乃得和  
熟狀似作飴須藥也

陳藏器云蜜主牙齒疳蟲脣口瘡目膚赤

吳

二

瘡殺蟲

雷公云凡鍊蜜一斤只得十二兩半或一  
分是數若火少火過並用不得

食療云微溫主心腹邪氣諸驚癇補五藏  
不足氣益中止痛解毒能除衆病和百藥

養脾氣除心煩悶不能飲食治心肚痛血  
刺腹痛及赤白痢則生搗地黃汁和蜜一  
大匙服即下又長服之面如花色仙方中  
甚貴此物若覺熱四肢不和即服蜜漿一  
椀甚良又能止腸癖除口瘡明耳目久服  
不飢又點目中熱暎家養白蜜為上木蜜  
次之崖蜜更次

孫真人食忌云七月勿食生蜜若食則暴  
下發霍亂

產書云治產後渴蜜不計多少鍊過熟水

溫調服即止

外臺祕要方比歲有病天行癩發瘡頭面  
及身須臾周匝狀如火瘡皆戴白漿隨決  
隨生不即療數日必死差後瘡癩黯一歲  
方滅此惡毒之氣世人云建武中南陽擊

四六

三

虜仍呼爲虜瘡諸醫參詳療之方取好蜜  
通抹瘡上以蜜煎升麻數數拭之

傷寒類要方陽明病自汗者若小便自利  
此爲津液內竭雖爾不可攻之當須自欲  
大便宜蜜煎導以通之取蜜七合於銅器

中微火煎可丸捻作一挺如指許大得冷以納穀道中須臾必通矣

葛氏方食諸魚骨髒雜物髒以好蜜七抄稍稍服之令下

梅師方治年少髮白拔去白髮以白蜜塗

毛孔中即生黑者髮不生取梧桐子搗汁

塗上必生黑者○又方肛門主肺肺熱即

肛塞腫縮生瘡白蜜一斤猪膽一枚相和微火煎令可丸丸長三寸作挺塗油內下

部卧令後重須臾通泄



時後方凡有惡毒之瘡五色無常蜜和乾  
薑末傳之

衍義曰石蜜嘉祐本草石蜜收蟲魚部中  
又見果部新書取蘇恭說直將石字不用  
石蜜既自有本條煎鍊亦自有法今人謂

之乳糖則蟲部石蜜自是差誤不當更言  
石蜜也本經以謂白如膏者良由是知石  
蜜字乃白蜜字無疑去古既遠亦文字傳  
寫之誤故今人尚言白沙蜜蓋經久則陳  
白而沙新收者惟稀而黃次條蜜蠟故須

別立目蓋是蜜之房攻治亦別至如白蠟  
 又附於蜜蠟之下此又誤矣本是續上文  
 叙蜜蠟之用及注所出州土不當更分之  
 為二何者白蠟本條中蓋不言性味止是  
 言其色白爾既有黃白二色今止言曰蠟  
 是取蠟之精英者其黃蠟直置而不言黃  
 則蠟陳白則蠟新亦是蜜取陳蠟取新也

蜂子



**蜂子**味甘平微寒無毒主風頭除蠱毒補虛  
 羸傷中心腹痛大人小兒腹中五蟲口吐出  
 者面目黃久服令人光澤好顏色不老輕身

益氣○大黃蜂子主心腹脹滿痛乾嘔輕身

益氣○土蜂子主癰腫音益喉也痛一名蜚零

生武都山谷畏黃芩芍藥牡蠣

陶隱居云前直云蜂子即應是蜜蜂子也

取其未成頭足時炒食之又酒浸以傅面

曰六

令面悅白黃蜂則人家屋上者及侯瓢蜂

五

也

陳藏器本草云蜂子主丹毒風癩腹內留

熱大小便澁去浮血婦人帶下下乳汁此

即蜜房中白如蛹者其穴居者名土蜂最

大螫人至死其子亦大白功用同蜜蜂子也

日華子云樹蜂土蜂蜜蜂涼有毒利大小便治婦人帶下等病又有食之者須以冬瓜及苦蕒生薑紫蘇以制其毒也

禹錫云按陳藏器云土蜂赤黑色燒末油和傳蜘蛛咬瘡此物能食蜘蛛亦取其相伏也

**蜜蠟**

味甘微溫無毒主下痢膿血補中續絕

傷金瘡益氣不飢耐老○白蠟療久洩瀉後

重見白膿補絕傷利小兒久服輕身不飢生  
武都山谷生於蜜蜂房木石間惡荒花齊蛤

圖經曰文具石蜜條下

陶隱居云此即蜜蠟爾生於蜜中故謂蜜  
蠟蜂皆先以此爲蜜音煎蜜亦得之初

時極香軟人更煮鍊或加少醋酒使黃赤  
以作燭色爲好今藥家皆應用白蠟但取  
削之於夏月日暴百日許自然白卒用之  
亦可烱納水中十餘過亦白俗方惟以合  
療下丸而仙經斷穀最爲要用今人但嚼

食方寸者亦一日不飢也

禹錫云按藥性論云白蠟使味甘平無毒

主孕婦人胎動漏下血不絕欲死以蠟如

雞子大煎消三五沸美酒半升投之服之

差主白髮鑷去消蠟點孔中即生黑者曰六和

松脂杏仁棗肉茯苓等分合成食後服五

十丸便不飢功用甚多又云主下痢膿血

衍義曰文具石蜜條下



### 牡蠣



**牡蠣**

味鹹平微寒無毒主傷寒寒熱溫瘧洒

洒驚恚怒氣除拘緩鼠瘻女子帶下赤白除  
留熱在關節榮衛虛熱去來不定煩滿止汗  
心痛氣結止渴除老血澀大小腸止大小便  
療洩精喉痺咳嗽心脇下痞熱久服強骨節  
殺邪鬼延年一名蠣蛤一名牡蛤生東海池



澤採無時貝母爲之使得甘草牛膝遠志蛇  
床良惡麻黃吳茱萸辛夷

圖經曰牡蠣生東海池澤今海傍皆有之  
而南海閩中及通泰間尤多此物附石而生  
磈礧相連如房故名蠣房讀如阿房之房

曰六

七

一名蠔山晉安人呼爲蠔莆初生海邊才  
如拳石四面漸長有一二丈者巖如山  
者一房內有蠔肉一塊肉之大小隨房所  
生大房如馬蹄小者如人指面每潮來則  
諸房皆開有小蟲入則合之以充腹海人



取之皆鑿房以烈火逼開之挑取其肉而  
其殼左顧者為雄右顧者則牡蠣耳來限  
藥性論云牡蠣君主治女子崩中止盜汗  
除風熱止痛治溫瘧又和杜仲服止盜汗  
末蜜丸服三十九令人面光白永不值時

氣主鬼交精出病人虛而多熱加用之并  
地黃小草飲火土炎今物去蒸食之甚美

陶隱居云是百歲鵬所化以十一月採為  
好去肉二百日成今出東海永嘉晉安皆  
好道家方以左顧者是雄故名牡蠣右顧

則牝蠣爾生著石皆以口在上舉以腹向  
南視之口斜向東則是或云以尖頭為右  
顧者未詳孰是例以大者為好一月餘  
孟詵云牡蠣火上炙令沸去殼食之甚美  
令人細肌膚美顏色又藥家比來取左顧

者若食之即不揀左右也可長服之海族  
之中惟此物最貴北人不識不能表其味

爾雅文蛤一曰蛤大蚌也信之也於鰓  
段成式酉陽雜俎云牡蠣言牡非謂雄也  
肘後方大病差後小勞便鼻衄牡蠣十分

石膏五分搗末酒服方寸匕日三四亦可  
蜜丸如梧桐子大服之

經驗方治一切渴大牡蠣不計多少於臘  
日端午日黃泥裹煨通赤放冷取出爲末  
用活鯽魚煎湯調下一錢七小兒服半錢

曰六

匕只兩服差

海藥云按廣州記云出南海水中主男子  
遺精虛勞之損補腎正氣止盜汗去煩熱  
治傷熱疾能補養安神治孩兒驚癇久服  
輕身用之多令微黃色熟後研令極細入

丸散中用  
勝金方治甲疽弩肉裹甲膿血疼痛不差  
牡蠣頭厚處生研爲末每服二錢研龍花  
酒調下如癰盛已潰者以末傅之乃更服  
藥並一日三服

初虞世方治瘰癧發頸項破未破甚效如  
神牡蠣四兩甘草二兩爲末每服一大錢  
食後臘茶同點日三  
集驗方治癰一切腫未成膿拔毒牡蠣白  
者爲細末水調塗乾更塗

衍義曰牡蠣須燒為粉用兼以麻黃根等  
分同搗研為極細末粉盜汗及陰汗本方  
使生者則自從本方左顧經中本不言止  
從陶隱居說其酉陽雜俎已言牡蠣言牡  
非為雄也且如牡丹豈可更有牡丹也今

曰六

九

則合於地人面向午位以牡蠣頂向子視  
身之口口在左者為左顧此物本無目如此  
亦焉得更有顧眄也

**龜甲**

味鹹甘平有毒主漏下赤白破癥瘕痰

瘡五痔陰蝕濕痺四肢重弱小兒顛不合頭

瘡難燥女子陰瘡及驚恚氣心腹痛不可久  
立骨中寒熱傷寒勞復或肌體寒熱欲死以  
作湯良久服輕身不飢益氣資智亦使人能  
食一名神屋生南海池澤及湖水中採無時  
勿令中濕中濕即有毒惡沙參蜚蠊

圖經曰文具秦龜條下

藥性論云畏狗膽無毒燒灰治小兒頭瘡  
不燥骨帶入山令人不迷血治脫肛灰治  
脫紅

陶隱居云此用水中神龜長一尺二寸者

爲善厭可以供卜殼可以充藥亦入仙方  
用之當炙生龜溺甚療久嗽亦斷瘡肉作  
羹臙大補而多神靈不可輕殺書家載之  
甚多此不具說也

蕭炳云殼主風脚弱炙之末酒服

日華子云卜龜小者腹下可十鑽遍者名  
敗龜治血麻痺入藥酥炙用又名敗將  
食療云温味酸主除温瘴氣風痺身腫踈  
折又骨帶入山林中令人不迷路其食之  
法一如鼈法也其中黑色者常噉蛇不中

食之其殼亦不堪用

經驗方治產後產前痢敗龜一枚用米醋炙搗為末米飲調下

抱朴子云千歲靈龜五色具焉其雄額上兩骨起似角以羊血浴之乃剔取其甲炙

搗服三寸匕日三盡一具

衍義曰文具秦龜條下

秦龜



**秦龜**味古無毒主除濕痺氣身重四肢關節不可動搖生山之陰土中二月八月取

圖經曰秦龜山中龜不入水者是也生山之陰土中或云秦以地稱云生山之陰者是秦心山陰也今處處有之龜甲水中神龜也山南海池澤及湖水中今江湖間皆有之山中龜其形大小無定大者有如碑



跌食草根竹萌冬月藏土中至春而出遊  
山谷中今市肆間人或畜養為玩至冬而  
埋土穴中然藥中稀用卜人亦取以占山  
澤揭取其甲亦堪飾器物爾雅所謂山龜  
者豈是此歟水中龜其骨白而厚色至分  
明所以供卜人及入藥用以長一尺二寸  
為善

陶隱居云即山中龜不入水者形大小無  
定方藥不堪用龜類雖多入藥止有兩種  
爾又有鼈龜小狹尾長乃言療蛇毒以其

食蛇故也用以卜則吉凶正反帶秦龜前

臍乃到骨令人入山不迷廣州有蝟螈其

血甚療俚人毒箭傷

陳士良云鼃龜腹下橫折秦人呼為蝟螈

山龜是也肉寒有毒主筋脉凡撲損便取

血作酒食肉生研厚塗立效

日華子云蝟螈平微毒治中刀箭悶絕刺

血飲便差皮甲名鼃皮治血疾若無生血

煎汁代之亦可寶裝飾物

海藥云謹按正經云生在廣州山谷其殼

味帶苦治婦人赤白漏下破積癥瘕風冷  
痺關鬲氣壅或經卜者更妙凡用炙令黃  
然後入諸藥中用

抱朴子云蠶龜噉蛇南人皆帶蠶龜之尾  
以辟蛇蛇中人刮此物以傳之其瘡亦便

愈

衍義曰秦龜即生於秦者秦地山中多老  
龜極大而壽龜甲即非止秦地有四方皆  
有之但取秦地所出大者為勝今河北獨  
流釣臺甚多取龜筒地療亦入衆藥止此

二種各逐本條以其靈於物方家故用以  
補心然甚有驗

真珠



**真珠**

寒無毒主手足皮膚逆臚鎮心綿裏塞

耳主聾傳面令人潤澤好顏色粉點目中主

膚腎障膜

圖經曰真珠本經不載所出州土今出廉  
州北海亦有之生於珠牡俗謂之珠母珠  
牡蚌類也按嶺表錄異廉州邊海中有洲  
島島上有大池謂之珠池每歲刺史親監

四六

十二

珠戶入池採老蚌剖取珠以充貢地雖在  
海上而人疑其底與海通池水乃淡此不  
可測也土人採小蚌肉作脯食之往往得  
細珠如米者乃知此池之蚌隨大小皆有  
珠矣而今之取珠牡云得於海傍不必是

珠池中也

禹錫云按藥性論云真珠君治眼中醫障  
白膜七寶散用磨醫障亦能墜痰

日華子云真珠子安心明目注顏色也

海藥云謹按正經云生南海石決明產出

曰六

十三

也主明目除面黥上洩合知母療煩熱消  
渴以左纏根治兒子麩豆瘡入眼蜀中西  
路女瓜亦出真珠是蚌蛤產光白甚好不  
及船上彩耀欲穿須得金剛鑽也為藥須  
久研如粉麩方堪服餌研之不細傷人府

藏經


外臺祕要方療子死腹中方真珠二兩爲  
末酒調服盡立出  
抱朴子云真珠徑寸已上可服服之可以  
長久酪漿浸之皆化如水銀亦可以浮石

水蜂窠蠶化包形蛇黃合之可以引長三  
四尺丸服之絕穀得長生

衍義曰真珠小兒驚熱藥中多用河北塘  
灤中亦有圍及寸者色多微紅珠母與廉  
州珠母不相類但清水急流處其色光白

水濁及不流處其色暗餘如經其色白

# 瑇瑁



## 瑇瑁

寒無毒主解嶺南百藥毒俚人刺其血

飲以解諸藥毒大如帽似龜甲中有文生嶺

南海畔山水間



圖經曰璫瑁生嶺南山水間今亦出廣南  
蓋龜類也惟腹背甲皆有紅點斑文其大  
有如盤入藥須生者乃靈帶之可以辟蠱  
毒凡遇飲食有毒則必自搖動死者則不  
能神矣

曰六

十四

禹錫云按陳士良云璫瑁身似龜首觜如  
鸚鵡肉平主諸風毒行氣血胃膈中風痰  
鎮心脾逐邪熱利大小腸通婦人經脉甲  
殼亦似肉同療心風邪解煩熱

日華子云破癥結消癰毒止驚癇等疾

陳藏器云大如扇似龜甲有文餘並同  
楊氏產乳方產乳瘵中蠱毒生瑋瑁以水  
磨如濃飲服一盞日解  
衍義曰瑋瑁治心經風熱生者入藥蓋性  
味全也既入湯火中即不堪用為器物者

是矣與生熟犀其義同

桑螵蛸



**桑螵蛸**

味鹹甘平無毒主傷中疝瘕陰痿益

精生子女子血閉腰痛通五淋利小便水道  
又療男子虛損五藏氣微夢寐失精遺溺久

曰六

十五

服益氣養神一名蝕朮

尤音

生桑枝上螳螂子

也二月三月採蒸之當火炙不爾令人洩得  
龍骨療洩精畏旋復花

圖經曰桑螵蛸螳螂子也本經不載所出  
州土今在處有之螳螂逢木便產一枚出



子數百多在小木及荆棘間桑上者兼得  
桑皮之精氣故以為佳而市之貨者多非  
真須連枝折之為驗然偽者亦能以膠著  
桑枝上入藥不宜也三月四月採蒸過取  
之亦火炙不爾則令人洩一法採得便以  
熱漿水浸一伏時焙乾更於柳木灰中炮  
令黃用之

藥性論云桑螺蛸臣畏戴椹主男子腎衰  
漏精精自出患虛冷者能止之止小便利  
火炮令熱空心食之虛而小便利加而用

之

陶隱居云俗呼螳螂為蛎音石螳逢樹便產以桑上者為好是兼得桑皮之津氣市人恐非真皆令合枝斷取之爾偽者亦以膠著桑枝之上也

雷公云凡使勿用諸雜樹上生者螺螺不入藥中用凡採覓者須桑樹東畔枝上者採得去核子用沸漿水浸淘七遍令水遍沸於瓷鍋中熬令乾用勿亂別修事却無效也

經驗方治底耳方用桑螵蛸一箇慢火炙  
及八分熟存性細研入麝香一字為末摻  
在耳內每用半書字神效如有膿先用綿  
包子撚去次後摻藥末入在耳內

產書云治妊娠小便數不禁桑螵蛸十二

目六

十六


枚搗為末分作兩服米飲下楊氏產乳同  
又方療小便不通及胞轉桑螵蛸搗末米  
飲服方寸匕日三

衍義曰桑螵蛸自採者真市中所售者恐  
不得盡皆桑中者蜀本圖經浸泡之法不

若畧蒸過為佳隣家有一男子小便日數十次如稠米泔色亦白心神恍惚瘦瘵食減以女勞得之令服此桑螵蛸散未終一劑而愈安神寬定心志治健忘小便數補心氣桑螵蛸遠志菖蒲龍骨人參伏神當歸龜甲醋炙已上各一两為末夜卧人參湯調下二錢如無桑上者即用餘者仍須以炙桑白皮佐之量多少可也蓋桑白皮行水意以接螵蛸就腎經用桑螵蛸之意如此然治男女虛損益精陰痿夢失精遺

溺疝瘕小便白濁腎衰不可闕也

石決明



**石決明** 味鹹平無毒主目障腎痛青盲久服

益精輕身生南海

圖經曰石決明生南海今嶺南州郡及萊



州皆有之舊說或以爲紫貝或以爲鰓魚  
甲按紫貝即今人研螺古人用以爲貨幣  
者殊非此類鰓魚王莽所食者一邊著石  
光明可愛自是一種與決明相近耳決明  
殼大如手小者如三兩指海人亦取其肉  
亦取其殼清水洗眼七孔九孔者良十孔  
者不佳採無時

貝

十七

陶隱居云俗云是紫貝定小異亦難得又  
云是鰓魚甲附石生大者如手明耀五色  
內亦含珠今人皆水漬紫貝以熨眼頗能

明此一種本亦附見在決明條中既是異類今爲副品

日華子云石決明涼明目殼磨障腎亦名九孔螺也

海藥云主青盲內障肝肺風熱骨蒸勞極

並良凡用先次麩裏熟煨然後磨去其外黑處并麤皮子爛搗之細羅於乳鉢中再研如麩方堪用也

勝金方治小腸五淋石決明去麤皮甲研細如有軟硬物淋即添朽木細末熟水調


二錢七

衍義曰石決明經云味鹹即是肉也人採肉以供饌及乾致都下北人遂為珍味肉與殼兩可用方家宜審用之然皆治目殼研水飛點磨外障醫登萊州甚多

海蛤

目六

十六



**海蛤**味苦鹹平無毒主咳逆上氣喘息煩滿背痛寒熱瘧陰痿一名魁蛤生東海蜀漆為之使畏狗膽甘遂芫花

圖經曰海蛤文蛤並生東海今登萊滄州皆有之陶隱居以細如巨勝潤澤光淨者為海蛤云經鴈食之從糞中出過數多故有光澤也以大而有紫斑文者為文蛤陳藏器以為海蛤是海中爛殼久為風波濤洗自然圓淨此有小而久遠者為佳不必

鴈腹中出也

藥性論云海蚘亦曰海蛤臣亦名紫薇味  
平有小毒能治水氣浮腫下小便治嗽逆  
上氣主治項下瘤瘰

唐本註云此物以細如巨勝潤澤光淨者

曰六

十九

好有麤如半杏人者不入藥用亦謂爲狔  
耳蛤麤惡不堪也

蕭炳云止消渴潤五藏治服丹石人有瘡  
日華子云治嘔逆陰痿胃脇脹急腰痛五  
痔婦人崩中帶下病此即鮮蛤子鴈食後

糞中出有文彩者爲文蛤無文彩者爲海  
蛤鄉人又多將海岸邊爛蛤殼被風濤打  
磨瑩滑者僞作之

衍義曰海蛤文蛤陳藏器所說是今海中  
無鴈豈有食蛤糞出者若蛤殼中有肉時

尚可食肉旣無焉得更有糞中過數多者  
必爲其皆無廉稜乃有是說殊不知風浪  
日夕淘汰故如是治傷寒汗不溜搗却手  
脚海蛤川烏頭各二兩川山甲二兩爲末  
酒糊和丸大一寸許捏扁置所患足心下

擘葱白蓋藥以綿纏定於暖室中取熱水  
浸脚至膝上久則水溫又添熱水候遍身  
汗出爲度凡一二日一次浸脚以知爲度

**又蛤**

味鹹平無毒主惡瘡蝕五痔欬逆胃痺  
腰痛脇急鼠瘻大孔出血崩中漏下生東海

表有文取無時

圖經曰文具海蛤條下

陶隱居云海蛤至滑澤云從鴈屎內得之  
二三十過方爲良今人多取相摗令磨蕩  
似之爾文蛤小大而有些紫斑此旣異類而

同條若別之則數多今以為附見而在  
品限也凡有四物如此


陳藏器云海蛤主水瘡取二兩先研二日  
漢防已棗肉杏仁二兩葶藶子六兩熬研  
成脂為丸一服十九丸利下水

曰六

干

千金翼方治急疔蝕口鼻數日盡欲死燒  
文蛤灰臘月脂和塗之  
衍義曰文具海蛤條下

### 蠡魚



**蠡魚**

禮音味甘寒無毒主濕痺面目浮腫下大

水療五痔有瘡者不可食令人癢白一名鮓  
魚生九江池澤取無時

圖經曰蠡通作鯉字魚生九江池澤今處  
處有之陶隱居云為公蠓蛇所變至難死  
猶有蛇性謹按爾雅鯉鮓郭璞注云鯉鮓

也釋者曰鱧鮠也詩小雅云魚麗于罍鮠  
鱧毛傳云鱧鮠也正義云諸本或作鱧鮠  
陸機謂鮠即鮑魚也以鱧狹而厚今京東  
出呼鱧魚其實二類也

陶隱居云今皆作鱧字舊言是公蠓蛇所

曰六

二十一

變然亦有相生者至難死猶有蛇性合小  
豆白煮以療腫滿甚效

唐本註云別錄云腸及肝主久敗瘡中蟲  
諸魚灰並主哽噎

日華子云鯉魚腸以五味炙貼痔瘻及蛇




肝良久蟲出即去之諸魚中惟此膽甘可食

外臺祕要方療患腸痔每大便常有血鯉魚鱠薑蘘食之佳任性多少差忌冷毒物食醫心鏡云治十種水氣病不差垂死鱧魚一頭重一斤已上又熟取汁和冬苳葱白作羹食之又方治野雞病下血不止腸疼痛鱧魚一頭如食法作鱠蒜蘘食之靈苑方治急喉閉送巡不救者鱣魚膽臘月收陰乾爲末每服少許點患處藥至即

差病深則水調灌之

衍義曰蠶魚今人謂之黑鯉魚道家以謂頭有星為厭世有知之者往往不敢食又發故疾亦須忌爾今用之療病亦止取其一端耳

### 鯪魚



### 鯪魚

鯪音夷又音題

味甘無毒主百病

圖經曰鯪魚舊不著所出州土今江浙多有之大首方口背青黑無鱗多涎其類有三陶隱居云即鯪魚也即鮎魚也又有鱧

曰六

二十二

魚相似而大鮠魚亦相似色黃而美三種形性皆相類而小不同

陶隱居云此即鯪魚也今人皆呼慈音即

是鮎魚作臙食之云補又有鱧魚相似而

大又有鮠五回切魚亦相似黃而美益人其


合鹿肉及赤目赤鬚無鰓者食之並殺人  
又有人魚似鯉而有四足聲如小兒食之  
療痲疾其膏然之不消耗始皇驪山塚中  
用之謂之人膏也荊州臨沮青谿至多此  
魚

食療云鮎魚鱗大約相似主諸補益無鱗  
有毒勿多食赤目赤鬚者並殺人也

千金翼方治刺傷中毒水燒魚目灰塗之  
衍義曰鮎魚形少類獺有四足腹重墜如  
囊身微紫色嘗剖之中有三小鱗又有四

五小石塊如指面許小魚五七枚然無鱗  
與鮎鮓相類今未見用者

鰈魚



**鰈魚**

音善

味甘大溫無毒主補中益血療瀆

音審

脣五月五日取頭骨燒之止痢

陶隱居云鱠是荇菜根化作之又云是人髮所化今其腹中自有子不必盡是變化也性熱作臃食之亦補而時行病起食之多復又善令人霍亂凡此水族魚蝦之類甚多其有名者已注在前條雖皆可食而

目六

二十二

甚損人故不入藥用又有食之反能致病者今條注如後說凡魚頭有白色如連珠至脊上者腹中無膽者頭中無鰓者並殺人魚汁不可合鷓鴣肉食之鯽魚不可合猴雉肉食之鱠音秋鱠不可合白犬血食之

鯉魚子不可合猪肝食之鯽魚亦爾青魚  
鮓不可合生胡荽及生葵并麥醬食之

陳藏器云鯽魚主濕痺氣補損婦人產後  
淋瀝血氣不調羸瘦止血除腹中冷氣腸  
鳴

禹錫云按蜀本圖經云似鰻鱺魚而細長  
亦似蛇而無鱗有青黃二色生水岸泥窟  
中

孟詵云鯽魚補五藏逐十二風邪患氣人  
常作臃空腹飽食便以衣蓋卧少頃當汗

出如白膠汗從腰脚中出候汗盡暖五木  
湯浴須忌風一日更三五日一服并治濕  
風

聖惠方治婦人乳結硬痛用鱓魚皮燒灰  
末空心暖酒調二錢七


曰六

二十四

衍義曰鱓魚腹下黃世謂之黃鱓此尤動  
風氣多食令人霍亂屢見之向在京師鄰  
舍一郎官因食黃鱓遂致霍亂吐利幾至  
委頓又有白鱓稍麤大色白二者皆亡鱗  
大者長尺餘其形類蛇但不能陸行然皆

動風江陵府西有湖曰西湖每歲夏秋沮  
河水漲即湖水滿溢冬即復涸土人於乾  
土下掘得之每及二三尺則有往來之路  
中有泥水水涸又下水至復出

鯽魚





**鯽魚**

主諸瘡燒以醬汁和塗之或取猪脂煎

用又主腸癰頭灰

禹錫等按藥對云頭温

主小兒頭瘡

口瘡重舌目翳一名鮒

音父

魚合蓴作羹主胃

弱不下食作鱠主久赤白痢

圖經曰鯽魚本經不載所出州土今所在

曰大

二十五

池澤皆有之似鯉魚色黑而體促肚大而

脊隆亦有火者至重二三十斤性温無毒鱗

甲中最可食或云稷米所化故其腹尚有

米色又有一種背高腹狹小者名鯽魚功

用亦與鯽魚同但力差劣耳又黔州有一

種重脣石鯽魚亦其類也

日華子云鯽魚平無毒溫中下氣補不足  
作鱠療腸澼水穀不調及赤白痢燒灰以  
傅瘡良又釀白礬燒灰治腸風血痢頭燒  
灰療嗽又云子不宜與猪肉同食

禹錫等按蜀本云鯽魚味甘溫止下痢多  
食亦不宜人又注云形亦似鯉色黑而體  
促肚大而脊隆所在池澤皆有之

孟詵云鯽魚平胃氣調中益五藏和葷作  
羹食良又鯽魚與鱖其狀頗同味則有殊

鯽是節化鯽是稷米化之其魚腹尚有未  
色寬大者是鯽背高腹狹小者是鯽其功  
不及鯽子調中益肝氣

食療云食之平胃氣調中益五臟和尊作  
羹食作鱠食之斷暴下痢和蒜食之有少

熱和薑醬食之有少冷又夏月熱痢可食  
之多益冬月則不治也骨燒爲灰傅墜瘡  
蟲三五度差謹按其子調中益肝氣

聖惠方治小兒腦疳鼻痒毛髮作穗面黃  
羸瘦益腦用鯽魚膽滴於鼻中連三五日

甚良效

外臺祕要方治患腸痔大便常有血食鯽魚羹及隨意任作飽食孫真人同

孫真人方主脚氣及上氣取鯽魚一尺長者作鱠食一两頓差


曰六

二十六

食醫心鏡方治脾胃氣冷不能下食虛弱無力鶻突羹鯽魚半斤細切起作鱠沸豉汁熱投之著胡椒乾薑蒔蘿橘皮等末空腹食之

衍義曰鯽魚開其腹內藥燒之治齒

鯉魚



**鯉魚膽**味苦寒無毒主目熱赤痛青盲明目

久服強悍益志氣肉味甘主咳逆上氣黃疸  
止渴生者主水腫脚滿下氣○骨主女子帶  
下赤白○齒主石淋主九江池澤取無時

圖經曰鯉魚生九江池澤今處處有之即赤鯉魚也其脊中鱗一道每鱗上有黑小點從頭數至尾無大小三十六鱗古語云五尺之鯉與一寸之鯉大小雖殊而鱗之數等是也又崔豹古今註釋鯉魚有三種

曰六

二十七

兗州人謂赤鯉為玄駒謂白鯉為白驥黃鯉為黃雉蓋諸魚中此為最佳又能神變故多貴之今人食品中以為上味其膽肉骨齒皆入藥古今方書並用之

陶隱居云鯉魚最為魚之主形既可愛又

能神變乃至飛越山湖所以琴高乘之山  
上水中有鯉不可食又鯉鮓不可合小豆  
藿食之其子合猪肝食之亦能害人

唐本註云骨主陰蝕哽不出血主小兒丹  
腫及瘡皮主癰瘡腦主諸癩腸主小兒肌

# 瘡

日華子云鯉魚涼有毒肉治咳嗽療脚氣  
破冷氣疰癥懷妊人治胎不安絹裹鱗和  
魚煮羹熟後去鱗食之驗脂治小兒癩疾  
驚忤膽治障翳等腦髓治暴聾耳煮粥服之

良諸溪澗中者頭內有毒不計大小並三十六鱗也

禹錫云按大腹水腫通用藥云鯉魚寒群藥對云平○陳士良云無毒○藥性論云鯉魚膽亦可單用味大苦點眼治赤腫腎

痛小兒熱腫塗之蜀漆為使魚燒為末治咳嗽糯米煮粥

孟詵云鯉魚白煮食之療水腫脚滿下氣腹有宿癥不可食又修理可去脊上兩筋及黑血毒故也又天行病後不可食再發



却死其在沙石中者毒多在腦中不得食  
頭

食療云膽主除目中赤及熱毒痛點之良  
肉白煮食之療水腫脚滿下氣腹中有宿  
瘕不可食害人久服天門冬人亦不可食

曰六

二十八

刺在肉中中風水腫痛者燒鯉魚眼睛作  
灰納瘡中汁出即可謹按魚血主小兒丹  
毒塗之即差魚鱗燒煙絕研酒下方寸破  
產婦滯血脂主諸癩食之良

聖惠方治水氣利小便除浮腫用鯉魚一

箇重一斤者治如食法修事食之

外臺祕要方古今錄療魚髀骨橫喉中六  
七日不出取鯉魚鱗皮合燒作屑以水服  
之則出未出再服○又方療水病腫鯉魚  
一頭極大者去頭尾及骨堆取肉以水二  
斗赤小豆一大升和魚肉煮可取二升已  
上汁生布絞去滓頓服盡如不盡分爲三  
服後服溫令煖服訖當下利利盡即差  
又方凡腫已潰未潰者燒鯉魚作灰酢和  
塗之一切腫上以差爲度

千金方治暴痢小鯉魚二枚燒為末米飲服之大人小兒俱服得

食醫心鏡方主肺咳嗽氣喘促鯉魚一頭重四兩去鱗紙裹火炮去刺研煮粥空腹喫

曰六

二十九

衍義曰鯉魚至陰之物也其鱗故三十六陰極則陽復所以素問曰魚熱中王叔和曰熱即生風食之所以多發風熱諸家所解並不言日華子云鯉魚涼今不取直取素問為正萬一風家更使食魚則是貽禍

無窮矣

**魁蛤**

味甘平無毒主痿痺洩痢便膿血一名

魁陸一名活東生東海正圓兩頭空表有文

取無時

陶隱居云形似紡軋音狂小狹長外有縱橫

文理云是老蝙蝠化為用之至少而本經

海蛤一名魁蛤與此為異也

禹錫云按蜀本圖經云形圓長似大腹擯

榔頭有孔今出萊州

**鮑魚**

味辛臭溫無毒主墜隨骸

吐猥切

蹙踈折

瘀血血痺在四肢不散者女子崩中血不止  
勿令中鹹

陶隱居云所謂鮑魚之肆言其臭也俗人  
呼爲鮑魚字似鮑又言鹽鮑之以成故也  
作藥當用少鹽臭者不知正何種魚爾乃

言穿貫者亦入藥方家自少用之今此鮑  
魚乃是鱮魚長尺許合完淡乾之而都無  
臭氣要自療漏血不知何者是真

禹錫云按蜀本圖經云十月後取魚去腸  
繩穿淡乾之凡魚皆堪食不的取一色也

據陶註作藥當用少鹽不知正何種魚爾  
又據本經云勿令中鹹是知入藥當少以  
鹽鮑成之有鹽則中鹹而不臭鹽少則味  
辛而臭矣古人云與不善人居如入鮑魚  
之肆謂惡人之行如鮑魚之臭也考其實

曰六

三十

則今荆楚淡魚頗臭而微辛方家亦少用  
舊云沔州復州作之餘皆不出審陶注及  
圖經與本經即所在皆可作之也又據鮓  
魚有口小背黃腹白者爲鮑魚而療治與  
鮓魚同補益主百病今圖經旣不的取一

色可淡乾此之爲是也

**時魚**平補虛勞稍發疖痼

**黃魚**平有毒發諸氣病不可多食亦發瘡疥  
動風不宜和蕎麥同食令人失音也

**魴魚**調胃氣利五藏和芥子醬食之助肺氣

去胃家風消穀不化者作鱠食助脾氣令人  
能食患疖痢者不得食作羹臠食宜人其功  
與鯽魚同

**鱒魚**味甘平無毒主益氣補虛令人肥健生

江中背如龍長一二丈鼻上肉作脯名鹿頭

一名鹿肉補虛下氣子如小豆食之肥美殺  
腹內小蟲

食療云有毒主血淋可煮汁飲之其味雖  
美而發諸藥毒鮓世人雖重尤不益人服  
丹石人不可食令人少氣發一切瘡疥動

曰六

三十一

風氣不與乾笋同食發癰緩風小兒不與  
食結癥瘕及嗽大人久食令人卒心痛并  
使人卒患腰痛

**海狔魚**

味鹹無毒肉主飛尸蠱毒瘴瘧作脯

食之一如水牛肉味小腥耳皮中肪摩惡瘡



疥癬痔瘻犬馬癘疥殺蟲生大海中候風潮  
出沒形如狔鼻中聲腦上有孔噴水直上百  
數爲羣人先取得其子繫著水中母自來就  
而取之其子如蠶魚子數萬爲群常隨母而  
行亦有江狔狀如狔鼻中爲聲出沒水上海  
中舟人候之知大風雨又中有曲脂堪摩病  
及樗博即明照讀書及作即闍俗言懶婦化  
爲此也

**鱣魚肝**

無毒主惡瘡疥癬勿以鹽炙食郭注

爾雅云鱣魚長二三丈顏氏家訓曰鱣魚純

灰色無文古書云有多用鱣魚字為鱣既長  
二三丈則非鱣魚明矣本經又以鱣為鼉此  
誤深矣今明鱣魚體有三行甲上龍門化為  
龍也

**水龜**

無毒主難產產婦戴之亦可臨時燒末

酒下出南海如龜長二三尺兩目在側傍

具

三十三

圖經衍義本草卷之三十一 共



